

<https://hstryres.uz/journal/index.php/makro>

2025, № 2 (8)

ISSN-3030-3761



ТАРИХИЙ ТАДҚИҚОТЛАР
Илмий журнали

ИСТОРИЧЕСКИЕ ИССЛЕДОВАНИЯ
Научный журнал

HISTORICAL RESEARCHES
Scientific journal

ТОШКЕНТ-2025

ТАРИХИЙ ТАДҚИҚОТЛАР
ИСТОРИЧЕСКИЕ ИССЛЕДОВАНИЯ
HISTORICAL RESEARCHES

Бош муҳаррир:
Главный редактор:
Chief Editor:

Юнусова Хуршида Эркиновна
тарих фанлари доктори, профессор
Ўзбекистон Миллий университети

Бош муҳаррир ўринбосори:
Заместитель главного редактора:
Deputy Chief editor:

Шакиров Ильяс Рахимзянович
т.ф.ф.д., (PhD)
Ўзбекистон Миллий университети

ТАҲРИР ҲАЙЪАТИ
РЕДАКЦИОННАЯ КОЛЛЕГИЯ
EDITORIAL BOARD

Сагдуллаев Анатолий Сагдуллаевич
тарих фанлари доктори, профессор, Академик
Ўзбекистон Миллий университети
Сулейманов Рустам Хамидович
тарих фанлари доктори, профессор
Ўзбекистон Миллий университети
Муминов Алишер Гаффарович
Сиёсий фанлари доктори, профессор
Ўзбекистон Миллий университети
Зуев Андрей Сергеевич
тарих фанлари доктори, профессор
Новосибирск Давлат университети
Ишанхужаева Замира Райимовна
тарих фанлари доктори, профессор
Ўзбекистон Миллий университети
Кобзева Ольга Петровна
тарих фанлари доктори, профессор
Ўзбекистон Миллий университети
Холиқулов Ахмад Баймаҳаматович
тарих фанлари доктори, профессор
Ўзбекистон Миллий университети
Габриэльян Софья Ивановна
тарих фанлари доктори, доцент
Ўзбекистон Миллий университети
Убайдуллаева Барно Машрабжоновна
тарих фанлари доктори, доцент
Ўзбекистон Миллий университети
Очилдиев Файзулла Бобокулович
тарих фанлари доктори, профессор
Ўзбекистон Миллий университети
Саидбобоев Зокиржон Абдукаримович
тарих фанлари номзоди, профессор
Ўзбекистон Миллий университети
Азизов Илдар Рафаэлович
тарих фанлари бўйича фалсафа доктори (PhD)
Бизнес ва тадбиркорлик олий мактаби

Сиддиқов Равшан Бердимуратович
тарих фанлари номзоди, доцент
Ўзбекистон Миллий университети
Тухтабеков Козимбек Азимбекович
тарих фанлари номзоди, доцент
Ўзбекистон Миллий университети
Бабабеков Акбар Давурбаевич
тарих фанлари бўйича фалсафа доктори (PhD)
Ўзбекистон Миллий университети
Баҳранов Шерзод Таштурсунович
тарих фанлари бўйича фалсафа доктори (PhD)
Жамоат ҳафсизлиги университети
Али Назарова Дилдора Валишеровна
тарих фанлари бўйича фалсафа доктори (PhD), доцент
Ўзбекистон Миллий университети
Холиқулова Шахноза Боймуҳамматовна
тарих фанлари бўйича фалсафа доктори (PhD), доцент
Навоий Давлат педагогика институти
Нормуродов Дилмурод Раҳматуллаевич
тарих фанлари бўйича фалсафа доктори (PhD), доцент
Ўзбекистон Миллий университети
Абдулаева Нигора Санжаровна
тарих фанлари бўйича фалсафа доктори (PhD), доцент
Ўзбекистон Давлат Жаҳон тиллари университети
Тоғаев Жасур Эркинович
тарих фанлари бўйича фалсафа доктори (PhD), доцент
Ўзбекистон Миллий университети
Усаров Умид Абдумавлянович
тарих фанлари бўйича фалсафа доктори (PhD), доцент
Ўзбекистон Миллий университети
Эгамбердиева Гузаль Акрамжоновна
тарих фанлари бўйича фалсафа доктори (PhD)
Ўзбекистон Миллий университети
Эшқувватов Бобир Валикул ўғли
тарих фанлари бўйича фалсафа доктори (PhD)
Ўзбекистон Миллий университети

Контакт редакции журнала
Город Ташкент, улица Мирзо Голиба,
Исторический факультет
Национального Университета
Узбекистана имени Мирзо Улугбека
Web: <https://hstryres.uz/journal/>
E-mail: I.Shakirov91@mail.ru
Тел: +998900382203

Contact Editors of journal
Tashkent city, street of Mirzo Golib,
Faculty of history of the National
university of Uzbekistan named after
Mirzo Ulugbek
Web: <https://hstryres.uz/journal/>
E-mail: I.Shakirov91@mail.ru
Phone: +998900382203

МУНДАРИЖА / СОДЕРЖАНИЕ / CONTENT

1. Авлаев Камол Рўзиевич БУХОРО АМИРЛИГИНИНГ ҚЎҚОН ХОНЛИГИ БИЛАН САВДО АЛОҚАЛАРИНИНГ АСОСИЙ ЖИХАТЛАРИ	4
2. Адилов Аброр Анварович УРУШНИНГ ИККИНЧИ ЯРМИДА СОВЕТ ДИНИЙ СИЁСАТИДАГИ ЎЗГАРИШЛАР	18
3. Алиназарова Дилдора Валишеровна ИЗ ИСТОРИИ ФОТОЖУРНАЛИСТИКИ	34
4. Габриэльян Софья Ивановна ДИПЛОМАТИЧЕСКАЯ БОРЬБА ВОКРУГ ПРОЕКТОВ СТРОИТЕЛЬСТВА ДОРОГ В ИРАНЕ В 1880-1890-е ГОДЫ	50
5. Гюль Таир Играрович РЕЛИГИОЗНАЯ ПОЛИТИКА И МЕЖКОНФЕССИОНАЛЬНЫЕ ОТНОШЕНИЯ В КУШАНСКОЙ ИМПЕРИИ	73
6. Джураева Санабар Нурматовна ЎЗБЕКИСТОНДА ЗАМОНАВИЙ ТУРИЗМНИ РИВЖЛАНТИРИШ ИСТИҚБОЛЛАРИ	83
7. Ergashev Husan Yusup o'g'li TARIX FANINING RIVOJI UCHUN OLIV BORILGAN ISHLAR VA ULARNING NATIJALARI	93
8. Эгамбердиева Гузаль Акрамжановна ТОРГОВЫЕ ОТНОШЕНИЯ УЗБЕКИСТАНА И ТУРЦИИ В УСЛОВИЯХ СТРАТЕГИИ ДЕЙСТВИЙ	100
9. Ишанходжаева Замира Раимовна СОХРАНЕНИЕ И РАЗВИТИЕ НАУКИ И ОБРАЗОВАНИЯ В НАЦИОНАЛЬНОМ УНИВЕРСИТЕТЕ УЗБЕКИСТАНА (САГУ) В ГОДЫ ВТОРОЙ МИРОВОЙ ВОЙНЫ	110
10. Иноятова Дилорам Менглиевна ВЛИЯНИЕ РЕПРЕССИВНОЙ ПОЛИТИКИ СОВЕТСКОЙ ВЛАСТИ НА ЖИЗНЬ НЕМЦЕВ ИЗ СРЕДНЕАЗИАТСКИХ РЕГИОНОВ ВО ВРЕМЯ ОТЕЧЕСТВЕННОЙ ВОЙНЫ	118
11. Йўлдошев Салимжон Валиевич ФАРҒОНА ВОДИЙСИДА ЙИЛҚИЧИЛИК ХЎЖАЛИГИ: АНЪАНА ВА ТАЖРИБА	129
12. Raxmanqulova Zumrad Boyxurozovna XX ASRNING 20-80 YILLARI TADQIQOTLARIDA O'RTA OSIYO XONLIKLARI VA USMONIYLAR DAVLATI O'RTASIDAGI IJTIMOIY-SIYOSIY ALOQALARNING YORITILISHI	138

Адилов А. А.

«Ўзбекистоннинг энг янги тарихи» кафедраси доценти., т.ф.н.
Ўзбекистон Миллий университети
Adilov_A@gmail.com

УРУШНИНГ ИККИНЧИ ЯРМИДА СОВЕТ ДИНИЙ СИЁСАТИДАГИ ЎЗГАРИШЛАР

АННОТАЦИЯ

Ушбу мақолада Иккинчи жаҳон уруши йиллари даврида совет давлатининг динга бўлган муносабати масаласи таҳлил этилган. Мақолада мазкур даврда Ўзбекистонда кечган жараёнлар, диний бошқарма очилиши билан боғлиқ масалалар, совет ҳукуматининг бу борадаги позицияси очиб берилган.

Калит сўзлар: уруш, совет, дин, Ўзбекистон, СССР, Ўрта Осиё ва Қозоғистон.

КИРИШ

СССРда уруш даврида юзага келган диний вазият билан боғлиқ ҳолатни “назоратда сақлаш”, қолаверса православ черковидан ташқаридаги мавжуд конфессиялар, жумладан ислом дини билан боғлиқ масалаларни мувофиқлаштириш борасида СССР ХКСнинг 1944 йил 19 майдаги 572-қарори билан ХКС ҳузурида СССР Диний ишлар бўйича кенгаш ташкил этилади. Унга Давлат хавфсизлиги Халқ комиссари полковниги И.В.Полянский 1944-1956 йиллар давомида бошчилик қилади[1]. Полковник И.В.Полянский 19 майдан – 6 июнга қадар бу янги ташкил этилган ташкилий қисқа муддат раислик қилган подполковник К.Зайцевнинг ўрнига келади. И.В.Полянский бир вақтнинг ўзида СССР Давлат хавфсизлиги халқ комиссарлигининг “О”, яъни рухонийлар орасида тезкор иш олиб бориш бўлими бошлиғи ўринбосари ҳам эди[2].

1944 йили 29 майда мазкур кенгаш иш низоми тасдиқланди. 1944 йил 19 ноябрда эса СССР ХКС ҳузуридаги Диний ишлар бўйича кенгашнинг “Диний эътиқод ибодат уйлари очиш тўғрисида”ги қарори тасдиқланди. Унга кўра, ибодат уйлари очилиши бўйича барча ташкилий масалалар диний кенгаш ва унинг вакиллик органлари зиммасига юклатилинди[3].

СССР Диний ишлар бўйича кенгашнинг тавсиясига кўра, жойларда жумладан, Ўзбекистонда ҳам ушбу ташкилий бўлимни очилиши билан боғлиқ ташкилий ишлар бошланди. Шу боисдан ҳам Ўзбекистон ССР ХКСи

СССР ХКСнинг 29 май 1944 йилдаги 628-сонли қарори ва Диний ишлар бўйича кенгашнинг 1944 йил 9 июндаги кўрсатма хатида белгиланган вазифаларни амалий жиҳатдан бажариш мақсадида 3-августдаги 919-сонли қарори билан Ўзбекистон ХКС хузурида Диний ишлар кенгашнинг Ўзбекистон ССРдаги вакиллик органи ташкил этилди. Аввал бошида 4 та штат бўлган ушбу органнинг раҳбари И.И.Ибодов номли шахс бўлган[4].

СССР Диний ишлар бўйича кенгаши ўз иш фаолиятида ҳам ҳали кўплаб ташкилий-ҳуқуқий, норматив ҳужжатлар ишлаб чиқмагани боис Ўзбекистон ССР ХКСнинг юқорида таъкидланган 919-сонли қарори билан СССР Диний ишлар кенгашининг Ўзбекистон ССРдаги вакиллик органи зиммасига қуйидаги вазифалар юклатилди: дин борасида СССР ХКС қонун ва қарорларини амалий ҳаётга ўз вақтида ва тўғри татбиқ этиш бўйича назорат ўрнатиш, ЎзССР ХКСга диний ишлардаги ҳолат бўйича доимий равишда маълумот ва хулоса бериб бориш, маҳаллий совет органлари томонидан мавжуд ибодат уйлари ва уларнинг фаолияти билан боғлиқ жиҳатлар, уларнинг сони тўғрисида маълумотлар бериш[5]. шулар жумласидан, И.И. Ибодов қўйилган масалалар махфийлиги нуқтаи-назаридан келиб чиққан ҳолда, тегишли лавозимларга давлат хавфсизлиги орқали кадрлар танлаб олиниши лозимлигини алоҳида таъкидлаган эди. Қолаверса, мавжуд муаммолар фақат Ўзкомпартия МҚ область партия комитетининг биринчи секретари ихтиёрига тақдим этилиши, тегишли масала республика Диний ишлар бўйича вакиллик органи ихтиёрига ҳам тақдим этилиши керак бўлган. СССР Диний ишлар бўйича кенгаш томонидан умумий иш инструкцияси нисбатан кечроқ, 1945 йил 17 январда мазкур кенгаш Марказий аппарати йиғилишида тасдиқланиб, кейинчалик бу ҳужжат ўн йиллар давомида асосий иш юритиш йўриқномаси вазифасини ўтаган[6].

ТАДҚИҚОТНИНГ АСОСИЙ НАТИЖАЛАРИ

Шуни ҳам алоҳида таъкидлаш лозимки, давлат ва дин муносабатларини мувофиқлаштириш борасида янги ташкил этилган муассасалардаги кадрлар аксарият давлат хавфсизлиги офицерлари, ижтимоий-гуманитар соҳасидаги мутахассислардан иборат бўлиб, уларнинг компартия аъзоси бўлиши эса муҳокама этилмайдиган мавзу бўлган. СССР бўйича 1945 йил ойига келиб жами 10243 диний масканлар мавжуд бўлиб, улардан 500 таси ислом динига, 433 таси - протестантликка, 1704 таси - католик, 105 таси яхудийликка тегишли бўлган. Жами 1943-1945 йилларда СССР ХКС томонидан диний ташкилотлар масаласига оид 20 га яқин қарор ва кўрсатмалар эълон қилинган. Улар орасида черковларни очиш (1943 й. ноябрь), Давлат банкидаги епархия ҳисоб китоби, руҳонийларни ҳарбий чақирув ва

мобилизациядан озод қилиш (1944 й. ноябрь), диний ибодат уйлари очиш тартиби тўғрисида (1944 й. декабрь), диний жамоаларга ижара масаласида юридик шахс даражасини бериш, қурилиш, уй-жой, транспорт, маиший товарлар олди-сотдиси тўғрисида (1945), епархия бошқармаси қошидаги корхона ва монастырлардан келадиган даромадга солиқ солиш (1945) ва бошқаларни қайд этиш мумкин[7].

Яна бир ҳолатга эътиборни қаратиш лозим бўлади. Маълумки, Ўзбекистон ҳудудидаги исломдан кейинги ўринда турувчи эътиқод вакиллари - бу православ христианлар черкови эди. СССР ХКС ҳузуридаги Рус православ черкови ишлари бўйича Кенгашнинг низомида қайд этилган 4-бандига мувофиқ (мазкур Низом СССР ХКСнинг 1943 йил 7 октябрдаги 1095-сонли қарори билан тасдиқланган эди - муаллиф) Ўзбекистон ССР ХКС ҳузурида Рус православ черкови ишлари бўйича ўзининг ишончли вакилини тайин этган эди. Бу орган Ўзбекистон ҳудудидаги фақат православ черкови билан боғлиқ ишларгагина масъул бўлган. СССР Министрлар Совети ҳузуридаги Рус православ черковининг Ўзбекистон ССРдаги ишончли вакили сифатида сталинча режимга садоқатли эски большевиклардан бири бўлмиш А.И.Степанов (1882-1951 йй.) тайин этилган[8].

Кейинчалик 1959 йил 22 декабрдаги ХКСнинг №962-сонли қарорига кўра Ўзбекистондаги диний вакиллик органи битта органга бирлашди, яъни, ЎзССР Министрлар совети ҳузуридаги Диний ишлар ва Рус православ черкови ишлари бўйича бошқармаси ташкил этилди[9].

Тошкент ва Ўрта Осиё епархияси 20-30 йилларда “янгиланган” ва “эски эътиқод мухлислари” ўртасидаги кўплаб зиддиятларга, қолаверса 20-йиллар охирларидан “худосизлик” кампанияси гирдобига дучор бўлди. 1936 йил митрополит Арсенийнинг вафоти боис епархия “Тошкент ва Ўрта Осиё” ва “Олма-ота ва Қозоғистон” қисмларига бўлиниб кетди. 1937 йил архиепископ Тихон (Шарапов)нинг қатағонга учраб, отиб ташланиши боис бу иккала епархия ўз фаолиятларини деярли тўхтатиб қўйдилар[10].

Қайд этиш лозимки, республикада Самарқанддаги православ черковидан ташқари биронта ҳам амалий фаолият кўрсатилаётган православ черкови ҳам йўқ эди. 1943 йил эса давлат ва дин ўртасидаги муносабатларни ўзгариши боис Тошкентда илк бора Успенский православ собори Госпиталь бозори ёнида расман ўз ишини бошлаб, кейинчалик кафедрал собор даражасини олади. 1944 йил Тошкентга Куйбишев архиепископи Алексей (Палицин) епархия ишини бошқариш учун юборилган эди. 1943-1945 йилларнинг ўзидагина 11 та черков ва ибодат масканлари очилади. Булар орасида Тошкентда кафедрал собори (1945), Александр Невский черкови (1944), Тошкент областида: Мирзачўлдаги ибодат уйи (1945), Солдатское станцияси

(1943), Сталинское кишлоғи (1943), Янгийўл (1944), Олмаликдаги черков (1946), Троицкое кишлоғи (1944)даги черковлар, Самарканд областидаги ибодат уйи (1944), Деновдаги ибодат уйи (1945), Қўқондаги ибодат уйи (1945), Андижондаги черков (1945) ва бошқаларни таъкидлаш мумкин. Натижада шу даврда черковлар сони 6 бараварга ошган[11]. 1946-1953 йилларда епископ Гурий православ черкови ишларига раҳбарлик қилади. Айнан унинг даврида рус православ черкови фаолияти янада жонланиб, минтақада 66 та черков фаолияти йўлга қўйилади. Епископ Ермоген (Голубев) (1953-1960) эса зиддиятли 50-йиллардаги динга қарши янги кампания вақтида черков ишларига раҳбарлик қилади. Айнан унинг даврида Успенский собори қайта таъмирланиб, кенгайтирилади, мураккаб сиёсий вазиятга қарамай, у биронта православ черковнинг ёпилишига йўл қўймайди[12]. Шубҳасиз, православ черкови бевосита марказ хомийлиги, ёрдами ва тегишли таъсири остида ҳам бўлганлигини унутмаслик керак. Рус православ ишлари Ўзбекистон ССР ХКС, кейинчалик Министрлар Совети қошидаги Рус православ черкови ишлари вакиллик органига бўйсунган.

Таъкидлаш лозимки, 1944 йили совет давлатининг мусулмонлар масаласидаги сиёсатида янада ижобий томони бурилиш рўй беради. 1944 йил 25-28 майда бўлиб ўтган Кавказорти мусулмонлари йиғилишида янги – Кавказорти мусулмонлари диний бошқармаси (ДУМЗАК) ташкил этилганлиги эълон қилинди. Унинг раиси этиб шиа мазҳабидан шайхулислом Ализода Охун-оға (1944–1954), ўринбосари сифатида эса сунний Иброҳим Афандизода (1944-1955) сайланди. ДУМЗАК қароргоҳи Боку шаҳрида жойлашди. 1944 йил 20–23 июнда Доғистон АССРнинг Бўйноқ шаҳрида бўлиб ўтган минтақа мусулмонларининг йиғилишида Шимолий Кавказ мусулмонлари диний бошқармаси ташкил этилди (ДУМСК). Унинг биринчи муфтийси этиб Хизрқади Гебеков (1944–1950) тайинланди. Диний бошқарма идораси 1975 йилгача Бўйноқда, 1975 йилдан ўз фаолиятини Махачқалъада (Доғистон АССР) давом эттирди[13].

Янги ташкил этилган диний ташкилотлар, 30–йиллар қатағон–зўравонлик сиёсатини ўз тақдирларида синовдан ўтказган дин арбоблари, “худосизлик” ғояларини ҳам эсдан чиқармаган, “сталинча” шахсга сиғиниш давридаги омма, фашизмга қарши курашдаги кескинлик, қаҳатчилик, йўқчилик, умуминсоний қадриятларга интилиш – буларнинг барчаси уруш даври – реал картинасини ўзида ифода этар ва мавжуд тузум чегарасидан нари чиқишига йўл қўйилмас эди.

Мана шундай мураккаб ва зиддиятли давр чиғириқларига қарамай, диний арбоблар баъзи ҳолларда мафкуравий жихатдан “зарарли ва реакцион” деб топилган анъаналар, диний атамаларни яна ортга қайтариш тўғрисидаги

мулоҳазалар билан ҳам ўртага чиқа бошлашди. Шундай арбоблардан бири – Ўрта Осиё ва Қозоғистон мусулмонлари диний бошқармаси раиси, муфтий Эшон Бобохон Абдулмажидхонов эди. Эшон Бобохон давлат ва дин ўртасидаги муносабатларда кескинлик анча пасайиб, нисбатан “илиқлик” даври юзага келганлигини эътироф этган ҳолда, қолаверса СССР ташқи сиёсати йўналишларидаги ўзгаришларни англаган ҳолда иттифокда биринчи бўлиб мусулмонларин ҳаж ибодатига бориш амалларини тиклаш ва унга рухсат бериш тўғрисидаги таклифини ўртага ташлади. Бу муфтий Эшон Бобохоннинг юксак ва принципитал арбоб сифатидаги позициясидан дарак берар эди. Бу борада 1944 йил 25 августда СССР Диний ишлар бўйича Кенгаш раиси И.В.Полянскийга мазкур масала бўйича расман мурожаат қилди[14].

Қайд этиш лозимки, “худосизлик” сиёсати боис совет мусулмонларининг ҳажга бориш маросими 30–йиллар бошидаёқ ниҳоясига етган эди.

Шуни ҳам алоҳида эътироф этиш лозимки, муфтий Эшон Бобохон Абдулмажидхоновнинг совет раҳбарияти, шахсан И.В.Сталиннинг олдида, умуман Шарқ мусулмонлари орасида обрў–эътибори юксак даражада эди. Бир вақтнинг ўзида моҳир ташкилотчи ва дипломат, зукко ва салоҳиятли арбоб бўлмиш Эшон Бобохон улкан ҳаётий тажрибага эга шахс сифатида коммунистик мафкура тўла ҳукмрон бўлган давлатда кечган фаолиятида моҳирона равишда сиёсий йўл тутди[15].

Архив маълумотлари, тадқиқотчилар изланишлари, тегишли адабиётларда Диний ишлар бўйича кенгаш раиси И.В.Полянский Эшон Бобохон билан шахсий мулоқотга эгалиги, ташкилотчи ва зеҳнли диний арбоб сифатида ҳурмат қилиниши ҳам қайд этилади.

Масала моҳиятини эътироф этган ҳолда тарихий воқеликка қайтиш мақсадга мувофиқ бўлади. Маълумки, ўз вақтида СССР ёш Саудия давлати суверенитетини жаҳонда биринчилардан бўлиб тан олган эди. Бу борада 1926 йил 16 февралда шу юртдаги бош консул Карим Ҳакимов орқали юборилган расмий мактуб ҳам унинг тасдиғи бўлиб хизмат қилди[16]. Дипломатик муносабатлар эса сал аввалроқ 1924 йили 9 августда, яъни Жиддада СССР бош консулхонасининг очилиши билан ўрнатилган эди[17]. 20-йиллар охирида советлар мамлакатада бошланган динга қарши кампания, табиийки Саудия Арабистонини ҳам ташвишлантирмасдан қўймас эди.

Россиялик тарихчи олим, В.В. Наумкин ўз ишида 1932 йили совет давлатидан ҳаж зиёратида умуман ҳеч ким бўлмаганлигини қайд этган[18]. Ҳаж зиёрати амали билан боғлиқ масалалар 1932 йилги подшоҳ Ибн Сауд ва СССР МИҚ раиси М.И.Калинин билан бўлган ишчи ёзишмаларда ҳам ўз аксини топган эди.

Саудия подшоҳи Ибн Сауд ҳаж ва умуман диний амаллар учун СССРдан 10-15 минг атрофидаги мусулмонлар ҳаж зиёратига келишлари мумкинлигини, бу билан советларга ҳеч қандай эътироз бўлмаслигини баён этган эди. Совет давлати ўз навбатида ҳаж совет фуқаролари учун ихтиёрий амал эканлигини ҳам баён этиб, унга бориш-бормаслик ҳар бир инсоннинг шахсий иши эканлигини ҳам зўрама-зўраки ҳолатда таъкидлади. СССРнинг Саудия Арабстондаги ишончли вакили Н.Тўракулов яна “Ҳажга боришда французлар ва инглизлар айбдор, айнан улар Босфор ва Дардонелл бўғозларидан ҳажга борувчи кемаларни ўтказмаётганликларини” ҳам даъво сифатида келтирган эди[19].

Лекин ўзи мусулмон бўла туриб ҳаж ва умра сафарлари масаласи Н.Тўракуловни назаридан буткул четда қолмаган. Хусусан, унинг марказга ёзган докладларида у “10 мингдан 15 минггача совет зиёратчиларининг Маккага ташрифи ислом дунёсида жуда яхши таассурот қолдириши ва ислом динига қаршилиқ борасидаги айбловларни четга суришига ҳам сабаб бўларди”, дея таъкидлаган эди[20].

1938 йил сентябрида тегишли сабабларга кўра Саудия Арабистони ва СССР ўртасидаги дипломатик муносабатлар барҳам топди. Фақат 1990 йилга келибгина совет давлати ва Саудия Арабистони ўртасидаги дипломатик муносабатлар қайта ўрнатилинди. Нуфузли диний арбоб бўлмиш Эшон Бобоҳон Абдулмажидхонов, юқорида таъкидланганидек, исломнинг 5 та асосий рукнидаги – ҳаж зиёратини тиклаш масаласига тўхталганида, кўп ҳолда ўз обрў-эътибори, шахсан И.В.Сталин билан учрашуви, совет раҳбарияти ва Диний ишлар бўйича кенгаш хайрихоҳлигининг ҳамда ички ва ташқи сиёсатдаги реал воқеликни ҳам чуқур англаган эди. Бу пайтда Қизил армиянинг фронтдаги ғалабалари, СССРнинг Антифашист коалицияси билан иттифокчи сифатидаги фаолияти, шарқ мамлакатлари мусулмонлари кўз ўнгида дин, виждон эркинлиги таъмин этилганлигини намоён этиш – бу ва бошқалар ҳаж амали учун қулай вазият юзага келганлигини билдирар эди. Балки, шу сабабдан ҳам биринчи ҳаж сафари аъзоларининг барчаси Ўрта Осиё минтақасидан бўлишгани табиий ҳолат бўлиб ҳисобланиши мумкиндир.

СССР Диний ишлар бўйича кенгаш раиси И.В.Полянский муфтий Эшон Бобоҳон Абдулмажидхоновнинг ҳаж хусусидаги шафелик хати билан танишиб чиқиб, СССР Халқ Комиссарлари Совети раисининг биринчи ўринбосари В.М.Молотовга шу хусусда тегишли хат билан мурожаат қилади. Мазкур хатда Ўрта Осиё ва Қозоғистон мусулмонлари диний бошқармасининг 6 нафар шахсга Маккага ҳаж зиёратига бориши хусусидаги мурожаатини билдириб, мазкур зиёратда Ўзбекистондан – 4 та, Тожикистондан – 1 та, Қозоғистондан - 1 нафар зиёратчи қатнашиши

мумкинлиги таъкидлаб ўтилади[21]. И.В. Полянский кейинги 20 йил ичида ҳаж сафари амалга оширилмагани боис, бундай зиёрат сафарини уюштириш совет давлатининг ичида ҳам ижобий аҳамиятга эга бўлиши, Диний бошқарма нуфузини ошишига сабабчи бўлиши ҳам мумкинлигини таъкидлайди. Шунингдек, И.В. Полянский Яқин Шарқдаги мусулмон мамлакатлари учун ҳам бу ҳаж сафари ижобий кутиб олинишига, бу эса ўз навбатида СССРдаги виждон эркинлиги мавжудлигини яна бир қарра намоён этишда катта аҳамият касб этишини таъкидлаб ўтади[22]. Зиёратчилар 1944 йил 7 ноябрда Тошкентдан Туркменистон томон жўнаб кетишади. Улар йўл давомида Машҳад, Техрон, Бағдод, Макка, Мадина, Қоҳира, Жидда шаҳарларида бўлиб, ҳаж маросимини адо этишади. Зиёратчилар 1945 йил 15 февралда Тошкентга қайтиб келишади. Мазкур ҳаж зиёрати деярли 15 йилдан кейинги биринчи ҳаж сафари бўлган. Уч ой давом этган ушбу сафар айнан уруш даврида амалга оширилган бўлиб, бу СССРнинг ўзига хос намоёйишкорона ҳаракати инъикоси ҳам эди. Чунки, совет давлати бу сафар билан диний эътиқод, хусусан, ислом динига нисбатан ҳукуматнинг қаршилиги йўқ ва “унинг ривожини учун советлар мамлакатиде барча шарт-шароитлар етарли”, деган хулосани ҳам бериш бўлган. Бу билан совет ҳукумати хориждаги мусулмон аҳоли хайрихоҳлигига эришиш, уни шу ҳолатга ишонтиришни ҳам мақсад қилиб қўйган эди. Мазкур ҳатти-ҳаракат билан СССР истиқболда мусулмон давлатлари, уларнинг нуфузли арбоблари билан узвий алоқа боғлаш, келажакда улар билан мустақкам ҳамкорликни йўлга қўйиш мақсади ҳам бўлганлигини алоҳида таъкидлаш лозим.

Қайд этиш керакки, бу борада Ўрта Осиё ва Қозоғистон мусулмонлари диний бошқармаси, ЎОҚМДБ шахсан Эшон Бобоҳон ва СССР Диний ишлар бўйича кенгашдаги вазиятни прагматик тарзда баҳолай оладиган шахсларнинг мавжудлиги ҳам бу борада ижобий роль ўйнади. Қолаверса, ҳажга борувчилар тегишли давлат хавфсизлик органлари назоратидан ўтказилиб, ҳар бир четга чиқувчи шахс тегишли назорат остида бўлган. Бу амалиёт кейинчалик бутун советлар давридаги ҳаж маросими билан боғлиқ шахсларга бевосита тегишли бўлди. Мазкур ҳаж сафари кейинги, хусусан расмий мақомдаги ҳаж сафарига ҳам йўл очиб берган эди.

СССР ХКС раисининг ўринбосари В.М. Молотовнинг имзоси остида 1945 йил 10 октябрда СССР ХКСнинг Маккага мусулмонларнинг Ҳаж сафарига юборишни ташкил этиш тўғрисидаги 14808-рс сонли фармойишига кўра ҳаж сафарига советлар мамлакатиде 20-22 нафар зиёратчиларни юбориш, бунинг учун мусулмонлар Диний бошқармаларига 4500 фунт стерлинг алмаштириб беришга рухсат берилган эди[23]. Бу ўз навбатида СССРдаги қатор мусулмон диний бошқармалари раислари, нуфузли вакиллар,

хусусан Эшон Бобохоннинг илтимоси ва ташаббусини ҳам инобатга олинганидан дарак эди.

Ушбу сафарда – Ўзбекистон қозиси Зиёвуддин Бобохонов, Сталинободдан – Солиҳ Бобохонов, Ленинграддан – Башархон Исҳоқ, Олма-Отадан – Қозоғистон қозиси, – Муҳаммад Шариф Тўғанбоев, Байрам – Али Юсуф Аҳмедов – Шайх Шаҳобиддин Сухравардий мақбараси шайхи, Қозоғистондан – Али Муҳиддин Бадриддин[24], Қозондан-имом Маржоний масжиди имом-хатиби Қиёмиддин Қодирий, Наманган масжиди имом-хатиби - Исмоил Махдум Саттиев, Қозоғистондан –Абдулборий Абдусобир иштирок этишган[25]. Улар 1945 йил 15 октябрда Тошкентга йиғилишиб, 23 – октябрда йўлга чиқишган. Бу ҳаж сафари жуда шов-шувга сабаб бўлиб Тошкент вокзалида уларни 2 мингдан кўпроқ одам кузатиб қўйган[26]. Москвада, Қозон вокзалида уларни Москва жоме масжиди имом-хатиби Халимулрахмон Насритдинов кутиб олди. Шу ерда зиёратчилар сафига Марказий мусулмонлар диний бошқармаси раиси, муфтий, А.Расулов қўшилди. Бокуда эса улар сафига Кавказ орти мусулмонлари диний бошқармаси раиси, шайхулисом Ализода ва қози А.Охуновлар ҳам қўшилдилар. Зиёратчилар шу тариқа 17 кишини ташкил этдилар. Зиёратчилар кейин Техронга, сўнгра Қоҳирага ва охири Жиддага ташриф буюришди[27].

СССРдан ҳажга жўнаган зиёратчилар 14 ноябрда Маккага етиб келишди. Саудия Арабистони подшоҳи Абдул Азиз ибн Сауд совет ҳожиларини жуда илиқ кутиб олди. Ўша йили дунё бўйича 200 минг нафар зиёратчилар ҳаж амалларини бажаргани келгандилар. 87 ёшли Эшон Бобохон Абдулмажидхонов ўз кекса ёшига қарамай, барча ибодат амалларини адо этди[28]. Ушбу ҳаж сафари икки ой давом этди. Мазкур ҳаж маросими СССР Диний ишлар бўйича кенгаш раиси Н.В.Полянскийнинг СССР ХКС раиси ўринбосари В.М. Молотов номига 1945 йил ноябрь ойининг бошларида юборган мактубида (аниқ санаси ҳужжатда акс этмаган – муаллиф) Ўрта Осиё ва Қозоғистон мусулмонлари раиси, муфтий Эшон Бобохон Абдулмажидхонов, Мусулмонлар марказий диний бошқармаси раиси – муфтий Абдурахмон Расулов, Кавказorti мусулмонлари диний бошқармаси раиси ўринбосари Иброҳим афанди-зода бошчиликларидаги 17 кишилик зиёратчилар 6 ноябрда Москвадан самолётда учиб кетишганликлари ва бу ҳақда “Известия” газетасида хабарнома чоп этиш мақсадга мувофиқлиги қайд этилган эди[29].

Мазкур ҳаж маросими бир томондан советлар ташқи сиёсатининг ғоявий-мафкуравий тарғиботи, СССРдаги “виждон эркинлиги” диний ташкилотларга “эркин муносабат тўғрисида Шарқ мусулмонлари” орасида ижобий таассурот

уйғотиш, араб ва мусулмон дунёсида совет давлати нуфузини кўтариш каби стратегик мақсадларга хизмат қилган бўлса, иккинчи томондан советлар юртидаги мусулмон диний арбоблари, хусусан Ўрта Осиё ва Қозоғистон мусулмонлари диний бошқармаси раиси, муфтий Эшон Бобохон Абдулмажидхоновнинг ислом оламида янада мавқеи ва нуфузини ошишига ҳам сабаб бўлади. Қолаверса, Саудия маъмурлари кейинги даврдаги хаж маросими иштирокчилари, зиёратчиларга илиқ муносабатда бўлишларига ҳам катта туртки бўлиб хизмат қилади.

Гарчи муфтий А.Расулов расман делегация раҳбари бўлсада, лекин ўз нуфузи, илми, тан олинishi бўйича Эшон Бобохон олдинги ўринда турар, турли масалалар бўйича кўп ҳолда шахсан унга мурожаат қилишар эди.

Эшон Бобохон Абдулмажидхонов шахси, унинг тан олинган обрў-эътибори ҳақида сўз кетганда яна бир масалага ҳам эътиборни қаратиш лозим бўлади. Бу ҳозиргача деярли ўрганилмаган яъни Бутуниттифоқ мусулмонлар марказини тузиш ҳақидаги масала бўлиб ҳисобланади. Масала моҳияти куйидагича бўлган. 1943 йил 21 октябрда СССР Давлат хавфсизлик халқ комиссари В.Н.Меркулов Ўрта Осиё ва Қозоғистон мусулмонлари диний бошқармасининг I таъсис съезди (курултой), янги диний бошқарманинг тузилиши билан боғлиқ ташкилий масалалар ҳақидаги тегишли ҳисоботни И.В.Сталин ихтиёрига тақдим этган эди. Мазкур ҳисоботда таъсис съезди иштирокчиси, делегат А.Т. Шокир Хўжаевнинг тез орада СССРда мусулмонлар марказий бошқармаси тузилиши ҳақида ҳам мулоҳазаси ҳам акс этган[30]. Иккинчи жаҳон уруши йилларида мусулмон диний ташкилотлари халқаро алоқаларининг кенгайиши бунинг асосий сабаби дейилса, иккинчи томондан ягона диний марказ тузилиши марказ сиёсий манфаатларига ҳам мос тушиши қайд этилган. 4 та мусулмон диний ташкилотлари, уларнинг раҳбарияти СССР Диний ишлар бўйича кенгаш раиси И.В. Полянскийнинг юқорида кўрсатилган ягона мусулмонлар диний марказни тузиш ғоясини қўллаб-қувватладилар. И.В.Полянский 1945 йил 7 декабрда СССР ХКС раисининг биринчи ўринбосари В.М.Молотов номига юборган доклад ёзишмасида “диний ҳаётдаги аниқ ташкилий раҳбарият ва ҳудудий диний бошқармалар фаолиятини мувофиқлаштириш” мақсадидида Москвада 4 та диний бошқарма вакиллари иштирокида Бутуниттифоқ мусулмонлар марказини тузиш юзасидан кенгайтирилган йиғилишга чақириш таклифи билан чиқади. Янги бошқарма раиси – “СССР мусулмонлари буюк муфтийси”, мақомини олиш лозим эди[31]. Диний ишлар бўйича кенгаш бир овоздан “буюк муфтий” лавозимига Эшон Бобохон Абдулмажидхонов номзодини таклиф қилади. Совет давлатидаги қолган диний ташкилотлар раҳбарлари унинг ўринбосари бўлиши белгилаб қўйилади. 1946 йил январда

мазкур масала юзасидан барча ҳудудий ташкилотларга уларнинг фикр-мулоҳазаларини билиш мақсадида тегишли хат жўнатилинади. Туркменистондан бошқа барча ҳудудий бўлинмалар Диний ишлар бўйича кенгаш таклифини қўллаб-қувватлайдилар. Туркменистон раҳбарияти ўз мулоҳазасини туркманлар орасида ҳали ислом дини кенг қулоч ёзмаганлиги, бу эса маълум муаммоларга сабаб бўлиши мумкинлигини қайд этади. Тожикистон томони эса 2 та ҳам сунний ҳам шиа мусулмонлари марказини тузиш таклифи билан чиқади[32]. Ягона муфтийлик марказига Эшон Бобоҳон Абдулмажидхонов номзодининг иттифоқ миқёсида қўйилиши, давлат раҳбарияти, шахсан И.В.Сталин томонидан тан олинган нуфузли арбоб, дипломат, коммунистик ғоя, атеизм ҳукмрон бўлган мамлакатда тузум билан ўзаро компромиссга бора оладиган, давлат ва дин муносабатларини мувофиқлаштиришга қодир, илм – заковати билан раҳбарлик лавозимини моҳирона бошқара оладиган шахсга кўрсатилган юксак эътибордан дарак берарди. Ягона мусулмонлар диний марказини тузиш жараёни 1949 йил бошларига қадар долзарб мавзу сифатида кўтарилиб турилган. Масалан, СССР Диний ишлар бўйича кенгаш раиси И.В.Полянский масала моҳияти бўйича 1946 йил 13 ноябрда СССР Министрлар Совети раисининг биринчи ўринбосари К.Е.Ворошиловга иккита доклад юборган. Унга кўра 1947 йил Бутуниттифоқ мусулмонлари съездини чақиришга тараддуд кўрилиб, унда нафақат иттифоқ, балки чет эл мусулмон давлатларидан ҳам вакиллар чақирилиши режалаштирилган, 1947-1948 йилларда эса бу масала ҳукумат даражасида бир неча марта кўтарилган. Кўплаб иттифоқдош республикалар, хусусан Ўзбекистон ҳам ягона мусулмонлар диний маркази тузилиши ғоясини ёқлаган. Жумладан СССР Диний ишлар бўйича кенгаш аъзоси сифатида Ўрта Осиё ва Қозоғистон мусулмонлари диний бошқармаси II съездига ташриф буюрган Н.Тагиев (1948 йил 15-18 декабрь) ЎзССР Министрлар Совети раисининг биринчи ўринбосари Р.Ғ.Ғуломов билан суҳбатида Ўзбекистон ҳукумати Москвада ягона мусулмонлар маркази тузиш ғоясини қўллаб-қувватлашини билдиради[33]. Хусусан, Диний ишлар бўйича кенгашнинг Ўзбекистондаги вакили И. Ибодовнинг 1946 йил 5 март куни Кенгаш раиси ўринбосари Ю.Садовскийга ёзган мактубида Мусулмонлар ягона диний-маъмурий марказнинг ташкил этиш тўғрисидаги масала Ўзбекистон ССР ХКС раиси А.Абдурахмонов ва Ўзкомпартия МК иккинчи секретари Н.А.Ломакин томонидан кўриб чиқилгани ва маъқулланганлиги қайд этилади. И.Ибодов Эшон Бобоҳон Абдулмажидхонов билан бўлган суҳбатида у ҳам мусулмонлар ягона диний-маъмурий марказини барпо этиш мақсадга мувофиқлигини таъкидланганлигини баён этади[34].

ХУЛОСА

СССР Диний ишлар бўйича кенгаши нафақат мусулмонлар, балки яхудийлик, буддавийлик, эски эътиқод ихлосмандлари ва бошқа конфессиялар учун ҳам бундай марказлар тузиш мумкинлигини қайд этади. шуни алоҳида таъкидлаш лозимки, Совет Иттифоқи 1948 йил Исроил-Фаластин муаммоларидан сўнг тўлиқ араб-мусулмон давлатлари томонига ўтиб, Фаластин муаммосини ижобий тарзда ечиш тарафдорига айланди. Бу СССРнинг тез орада мусулмон Шарқидаги обрўси ва мавқеининг кўтарилиб боришига ҳам катта туртки бўлиб хизмат қилади. Лекин, тез орада СССРда Мусулмонлар ягона диний маркази тузиш ғоясига бўлган муносабат ўзгаради. СССР томонидан социалистик лагерни барпо этиш жараёни, урушдан кейинги даврда “империализмга қарши кураш” ғояси остида совет давлатининг Осиё ва Африкадаги мустамлакачиликка қарши кураш ва мустақилликка эришиш йўлида турган халқлар орасидаги мавқеининг ўсиши, совет давлатининг атом қуролига эга бўлиши ва бошқалар динга нисбатан “ён бериш”, хусусан Мусулмонлар ягона диний марказини тузиш борасидаги нуқтаи-назарини қайта кўриб чиқишига ҳам етарли сабаб бўлади. Хусусан, И.В.Полянскийнинг СССР Министрлар Советининг биринчи ўринбосари К.Е.Ворошилов билан 1949 йил 12 февралдаги учрашуви масалага нуқта қўйди. Эндиликда К.Е.Ворошилов мусулмонлар ягона диний марказини тузиш, нафақат ислом, балки бошқа конфессиялар фаолиятини марказлаштириш ғоясига ҳам қарши чиқади. Шундан кейин масала ўз-ўзидан долзарблик даражасини йўқотиб, кейинчалик гоҳидагина эслаб туриладиган мавзуга айланади[35]. Тўғри гарчи бу жараён билан боғлиқ саъй-ҳаракатлар қисқа вақт мобайнида содир бўлиб, у кейинчалик амалга ҳам ошмаган бўлсада, лекин ушбу ягона мусулмонлар маъмурий марказини тузиш масаласини кўтарилишининг ўзи шу давр учун олдинга сурилган ижобий бир кадам бўлди. Шу билан бирга бу руҳонийлар, диний ташкилот ва уларнинг раҳбарлари фаолиятини жонлаштириш, марказ томонидан уларни эътироф этиш, қолаверса Ўрта Осиё ва Қозоғистон мусулмонлари диний бошқармаси раиси, муфтий Эшон Бобохоннинг шахси эътирофидан ҳам дарак берар эди. Чунки, айнан Эшон Бобохонгина иттифоқ бўйича “буюк муфтий” лавозимида мос ягона шахс сифатида номзоди кўрсатилинган эди. Эшон Бобохон Абдулмажидхонов диний бошқарма тузилганидан кейинги даврдаги фаолиятига назар ташланса, у ҳолда бу шахснинг ўз даврига нисбатан фаол позициясини кўриш мумкин бўлади.

ҲОЙДАЛАНГАН МАНБА ВА АДАБИЁТЛАР РЎЙХАТИ

1. Одинцов М. И. Государство и церковь в России. XX век. М., 1944. С.110; Ислам и советское государство (1944-1990). Сборник документов. Вып.3 Изд.дом. Марджани, М., 2011. С.28.
2. Ахмадуллин В. А. Изучение особенностей исламской жизни Советом по делам религиозных культов при СНК СССР СМ СССР в первое последованное десятилетие. // Исламоведение. 2019. Т.10. №2. –С.62.
3. Бу бўйича батафсил қаранг: Ахмадуллин В.А. Политика советского государства по отношению к мусульманской религии в 1917-1945 гг. Дисс.на соис.уч.степ.канд.ист.наук. М., 2002. –С.126.
4. ЎзМА, Р-2456-фонд, 1-рўйхат, 21-иш, 2, 14-варақлар.
5. ЎзМА, Р-2456-фонд, 1-рўйхат, 21-иш,2,3-10-14-варақлар; Ахмадуллина Ж.В. Проблемы становления инситута уполномоченных совета по делам религиозных культов при СНК СССР в 1944-1945 гг. //Ислам в современном мире. 2021. том 17. №4. -С.104.
6. Ахмадуллина Ж. В. Проблемы становления института Уполномоченных совета по делам религиозных культов при СНК СССР в 1944-1945 гг.// Ислам в современном мире. 2021. Том 17. №4. -С.105.
7. Одинцов М. Великая Отечественная война (1941-1945) и религиозные организации в СССР. <https://www.pravenc.ru/text/150063.htm>.
8. Степанов А. И. Урушга қадар Ўзбекистон ССР “Курашчан худосизлар” уюшмаси раисининг ўринбосари лавозимида бўлган. Унинг шахсий фонди Ўзбекистон Миллий архивида - Р-2272-рақамли фондда сақланади. Қаранг: ЎзМА, Р-2272-фонд, 1-рўйхат, 8-иш, 1 ва кейинги варақлар.
9. Раджабов К. К. Образования САДУМ и конфессиональная политика советского государства в Узбекистане (1943-1960 гг.)// Конфессиональная политиика советского государства в 1920-1950-е годы. Материалқ XI Международный научной конференции. Великий Новгород. 11-13 октября 2018 г. М., 2019. -С.368. Кейинчалик, СССР Миллатлар советининг 1965 йил 8 декабрдаги СССР Министрлар Совети ҳузуридаги Дин ишлари бўйича Кенгаш низомининг 8-бандига кўра, ЎзССР Министрлар Совети ҳузуридаги дин ишлари бўйича кенгаш вакиллик органи бирлаштирилди. Бу хусусда қаранг: ЎзМА, Р-2456-фонд, 1-рўйхат, 7-иш, 8-10-варақлар.
10. Батафсил қаранг: Асанова С. А. История православной церкви в Средней Азии (вторая половина XIX- начало XXI в.) Дисс.на соис.уч.степ.канд.ист.наук. Ташкент, 2012. -С.97-100 и далее; Шимон И. Я. Отношения советского государства и Русской Православной Церкви в период Военной Отечественной войны 1941-1945 гг. Дисс. на соис.уч.степ.док.ист.наук. -М., 1995. -С.122,154-157, 171-175 и далее; ЎзМА, Р-2456-фонд, 1-рўйхат, 302-иш, 73-варақ.

11. ЎзМА, Р-2456-фонд, 1-рўйхат, 302-иш, 73-74-варақлар; Цырякина Ю. И. Православная церковь в Узбекистане во второй половине XIX - начале XXI века под влиянием политики центральной власти. // Вестник Кемеровского государственного Университета. 2015, №4, (64). Т.1 -С.42.

12. Борисова О.В. Ташкентская епархия в годы Великой Отечественной войны. Населения исповедников. <https://mroc.pravobka.ru//borisova-o-v-C3,4,5;> Русская Православная церковь в годы Великой Отечественной войны 1941-1945 гг. Сб. Документов. М.: Изд-во Крутицкого подворье, Общество любителей церковной истории, 2009. -С. 365-370 и далее.

13. Мухитдинов Д. В., Ахмадуллин В. А. Ахмадуллина Ж. В. Патриотические обращения руководителей советских мусульман к единоверцам в годы Великой Отечественной войны. Minbar. Islamic Studies. 2020: 13(2) – С. 314,315.

14. ЎзМА Р-2456-фонд, 1-рўйхат, 23-иш, 4-варақ.

15. Усмонхўжаев А. Динимиз фидойилари (тарих, хотира сабоқлар). Иккинчи тўлдирилган нашр. Тошкент: “Tafakkur”, 2021. –Б.128-130.

16. Мухитдинов Д. В. Сотрудничество советской дипломатии и мусульманского духовенства СССР в 20-е годы XX века. -Н.Новгород: Изд-во НИМ «Медина», 2006.-С.42. Карим Ҳақимов (1890-1938)-таниқли совет дипломати, Ҳижоз қироллигида биринчи совет консули.

17. Ўша жойда.

18. Наумкин В. В. Ислам мусулмане: культура и политика: статьи, очерки, доклады разных лет. М., -Н. Новгород: ИД “Медина”, 2008. –С.285-286.

19. Наумкин В. В. Ислам мусулмане: культура и политика: статьи, очерки, доклады разных лет. М., -Н. Новгород: ИД “Медина”, 2008. –С.270.; Ат-Турки, Масжид Бен Абдаль Азиз. Саудовского –российские отношения в глобальных и религиозных процессах. (1926-2004 гг.). –М., 2005. –С.52.

20. Назир Тўракулов – (1892-1937) – таниқли совет партия арбоби, дипломат. 1928-1936 йиллар мобайнида Саудия Арабистонидаги совет давлатининг ишончли вакили. 1937 й. катағонга учраб, отиб ташланган. Қаранг: Назир Туракулов – полпред СССР в Королевстве Саудовская Аравия (письма, дневники, отчёты) (1928-1935) Под ред. Т.А. Мансурова, А. М. Сыздыкова. – М.: Русский Раритет, 2000, 608 С.; Мансуров Т.А. Аравийская эпопея полпреда Назира Туракулова. М: Реал-Пресс. 2001. –С.21; Наумкин В.В. Ислам мусулмане: культура и политика: статьи, очерки, доклады разных лет. М., -Н.Новгород: ИД “Медина”, 2008. –С.287.; Нуриманов И. Хадж в советский период// Хадж российских мусульман №4 Ежегодный сборник путевых заметок о хадж. Н.Новгород. ИД “Медина”, 2012. –С.66-75.

21. №4 Письмо председателя Совета по делам религиозных культов И. В. Полянского в Совет народных Комиссаров СССР. Сентябрь 1944 г. Ислам и советское государство (1944-1990 гг.) Сборник документов. Вып.3. Сост. Авт.пред. и прим. Д.Ю.Арапов. М.: Изд.дом. “Марджани”, 2011. –С.34-35.

22. 1944 йил ҳаж зиёратчилари куйидаги шахслардан иборат бўлган: Солихов Муродхўжа, Абдулхаиров Жанабой, Юсупов Абдулмажит, Мусинов Мухаммаджон, Саттиев Исмоил махдум, Абдуллаев Борий. Қаранг: ЎзМА Р–2456–фонд, 1–рўйхат, 23–иш, 4–варақ; Ахмадуллин В.А. Деятельность советского государства по организации хаджа советских мусульман в 1944 г. // Власть – 2013. - №6. –С. 162-164; Его же. Хадж специального назначения //НГ религи. 21 11.2012.; Его же: Деятельность советского государства по организации хаджа советских мусульман в 1944 году // “Власть”, 2013, №6; Саидбаев Т. С. Ислам и общество. –М., 1984. –С.190; Назаров А. Х. История религиозной жизни мусульман Таджикистана в 1941-1991 гг. Дисс.канд.ист.наук. –Душанбе, 2004. –С.72; Панов Н. Н. Государство и ислам в СССР в 1940-е гг: поиск новой модели взаимоотношений. //философия, этика, религоведение. М., -С. 138; Носова Е.В. К вопросу о хадже советских мусульман. // Вестник КРСХ. 2014 Том14. №7. –С. 187-189; Мустафаева Н. Шўролар ҳукуматининг “иккиёклама” диний сиёсати.// Тошкент. Ислон университети илмий-таҳлилий- ахбороти. 2008. 1-сон. 41 ва кейинги бетлар.

23. Ислам и советское государство. (1944-1990). Сборник документов. Вып.3. Сост.авт.пред. и прим. Д. Ю. Арапов. – М.: Изд.дом. Марджани, 2011. –С.41; Ўрта Осиё ва Қозоғистон мусулмонлари диний бошқармаси учун ҳажга боришга, 200 ф.ст. (34560 рубль) ҳажмда пул белгиланади: ЎзМА Р–2456–фонд, 1–рўйхат, 8–иш, 20–21-варақ.

24. ЎзМА Р–2456–фонд, 1–рўйхат, 60–иш, 29-варақ.

25. Динимий фидойилари...131-бет.

26. ЎзМА Р–2456–фонд, 1–рўйхат, 60–иш, 31-варақ.

27. ЎзМА Р–2456–фонд, 1–рўйхат, 60–иш, 32-варақ.

28. ЎзМА Р–2456–фонд, 1–рўйхат, 60–иш, 34-варақ.

29. Ислам и советское государство. Вып.3. Сост.авт.пред. и прим. Д. Ю. Арапов. – М.: Изд.дом. Марджани, 2011. –С.42-43; Яна қаранг: Бабаджанов Б.М. Бабахановы// Ислам на территории бывший Российской империи: Энциклопедический словарь/ Под.ред.С.М.Прозорова. М., 2003. Вып.4. - С.12-13; Усманходжаев А. Жизнь муфтиев Бабахановых: Служение возрождению ислама в Советском Союзе. –М.-Нижний Новгород: ИД “Медина”, 2008.-С.24-65; В.М. Молотовнинг телефонограммасига кўра ҳаж маросими ҳақидаги хабар “Известия” газетасида чоп этилмади.

30. Ахмадуллин В. А. Деятельность органов государственного управления СССР и руководителей духовных управлений мусульман п созданию Всесоюзного мусульманского центра // Власть, 2015, №8. –С. 155 и далее.

31. Ахмадуллин В. А. Деятельность органов государственного управления... С.155.

32. Бу ҳақда батафсил қаранг: Ислам и советское государство (1944-1990). Сборник документов. Вып.3. Сост.авт. предисловие и примечаний. Д. Ю. Арапов. – М.: Изд.дом. Марджани, 2011. Письмо уполномоченного Совета по делам религиозных культов по Туркменской ССР, адресованное в совет по делам религиозных культов (Москва). Конец марта 1946 г. –С.52; Письмо уполномоченного Совета по делам религиозных культов по Таджикской ССР, адресованное в Совет по делам религиозных культов (Москва). 16 марта. 1946 г. –С.54.

33. Ахмадуллин В.А. Деятельность органов государственного управления... -С.157.

34. Ислам и советское государство... Письмо уполномоченного Совета по делам религиозных культов по Узбекской ССР, адресованное в Совет по делам религиозных культов (Москва). 5 марта. 1946 г. –С 48-49.

35. Бу хусусда тўлиқ қаранг: Ахмадуллин В.А. Деятельность органов государственного управления СССР и руководителей духовных управлений мусульман п созданию Всесоюзного мусульманского центра // Власть, 2015, №8. –С. 154-157.

Адилов А. А.

к.и.н., доцент кафедры «Новейшей истории Узбекистана»
Национальный университет Узбекистана

Adilov_A@gmail.com

АННОТАЦИЯ

В данной статье анализируется отношение советского государства к религии в годы Второй мировой войны. В статье описаны процессы, происходившие в Узбекистане в этот период, вопросы, связанные с открытием религиозного управления, а также позиция советского правительства по этому поводу.

Ключевые слова: война, Советский Союз, религия, Узбекистан, СССР, Средняя Азия и Казахстан.

Adilov A. A.

PhD., associate professor, at the department of «Modern history of Uzbekistan»

National university of Uzbekistan

Adilov_A@gmail.com

ABSTRACT

This article analyzes the Soviet government's attitude towards religion during World War II. The article reveals the processes that took place in Uzbekistan during this period, the issues related to the establishment of a religious administration, and the Soviet government's position on this issue.

Keywords: war, Soviet, religion, Uzbekistan, USSR, Central Asia and Kazakhstan.